

REGULAMENTO ELECTORAL

**Para a elección a membros da
Asemblea Xeral, Presidente e Comisión
Delegada da Federación Galega de
Esquí Náutico**

Ourense, 8 de novembro de 2014



www.fgen.net



Artigo 1. Obxecto da normativa

En cumprimento da Lei 3/2012, do 2 de abril, do Deporte de Galicia e de acordo co establecido na Orde de 8 de setembro de 2010, publicada no DOG 174, da Consellería de Presidencia, Administracións Públicas e Xustiza, polo que se establecen os criterios para a elaboración de regulamentos e realización dos procesos electorais nas Federacións Deportivas Galegas, durante o ano 2014 confeccionase a presente normativa que regula o proceso de elección dos órganos de goberno: Asamblea Xeral, Presidente e Comisión Delegada, con representatividade durante o período 2014-2018.

Artigo 2. Celebración de eleccións

A Federación Galega de Esquí Náutico procederá á elección da súa Asemblea Xeral, Presidente e Comisión Delegada no ano 2014. O calendario electoral será o indicado no anexo I. Os sobres e papeletas serán os establecidos no anexo II. Establécese como horario de apertura ao público da sede federativa o seguinte: De 9:00 a 13:00 horas.

Artigo 3. Regulamento electoral provisional e definitivo

Unha vez aprobado o regulamento electoral por parte da Asemblea Xeral da Federación Galega de Esquí Náutico será remitido á Secretaría Xeral para o Deporte da Xunta de Galicia, que resolverá, no prazo máximo de 10 días hábiles dende a entrada do documento no seu rexistro, sobre a aprobación do mesmo ou a súa devolución para a corrección de posibles deficiencias.


Transcorridos estes sen que recaia resolución algunha entenderase aprobado o regulamento. No caso de ser necesaria a subsanación de deficiencias, indicaranse as mesmas e se concederán dez días hábiles para proceder a dita corrección.

A Asemblea Xeral da Federación Galega de Esquí Náutico, no caso que houbera que subsanar algunha deficiencia no mesmo regulamento electoral, delega e autoriza á Xunta Directiva a facer os cambios necesarios, sen necesidade dun novo sometemento á aprobación da asemblea xeral. Unha vez feitas estas modificacións, o novo regulamento presentárase á Secretaría xeral para o deporte para a súa ratificación definitiva.

O regulamento electoral se publicará na páxina web da Federación e na da Administración Autonómica, de acordo co establecido no artigo 58.6 da Lei do Deporte de Galicia.

Artigo 4. Censo electoral

1. O censo electoral (ANEXO III) incluírá aos deportistas, técnicos/adestradores, xuíces/árbitros e entidades deportivas inscritas na federación e no Rexistro de Asociacións Entidades Deportivas de Galicia, que reúnan os requisitos para ser electores e elixibles, de acordo co establecido no artigo 8.1 do presente regulamento. Inclúiranse os seguintes datos:



- a) Para os/as deportistas, adestradores e xuíces/árbitros: nome, apelidos, número de licenza federativa, número do Documento nacional de identidade ou da tarxeta de residencia e domicilio a efectos de notificación. O domicilio reflectido por defecto para o estamento de deportistas será o do club ao que pertezan, ou no seu caso tamén respecto do estamento de xuíces/árbitros, o que a estes efectos indiquen a Federación. No período de reclamacións ao censo provisional poderase solicitar o cambio de domicilio.
 - b) Para as entidades deportivas: nome, denominación ou razón social e número de inscrición no Rexistro de Entidades Deportivas de Galicia, así como o nome e apelidos do presidente e secretario. Os datos dos clubs deberán ser plenamente coincidentes cos datos contidos no Rexistro de Asociacións Deportivas e Deportistas de Galicia, tendo a Federación a obriga de cotexar ditos datos. No caso de discrepancias entre os datos obrantes no rexistro da federación e os obrantes no Rexistro de Asociacións Deportivas e Deportistas de Galicia, establecerase un prazo de 10 días para a súa subsanación.
2. O censo electoral provisional publicarase xunto coa convocatoria. A exposición pública do mesmo deberá facerse por un prazo mínimo de 10 días hábiles, dentro do cal se poderán presentar as reclamacións que se estimen oportunas ante a Xunta Electoral, resolvéndose por esta no prazo máximo de 5 días hábiles e considerándose o silencio da xunta en sentido estimatorio da petición realizada. Dita exposición farase no taboleiro de anuncios da Federación Galega de Esquí Náutico e das Delegacións federativas, así como na páxina web www.fgen.net. Según o artigo 58.5 da Lei do Deporte os candidatos proclamados poderán dispoñer do respectivo censo de persoas que compoñen o seu estamento e, no caso dos candidatos á presidencia, das persoas que conforman a asemblea.
 3. O censo será considerado definitivo se non se presenta reclamación algunha, ou cando de presentarse, sexa resolta pola xunta electoral ou, se é o caso, polo Comité Galego de Xustiza Deportiva. Deberán aplicarse as mesmas garantías de difusión e publicidade que as previstas no número 2 deste artigo para o censo provisional.
 4. Os datos contidos no censo electoral gozarán da protección do previsto na LO 15/1999, do 13 de decembro, de protección de datos de carácter persoal. En todo caso o tratamento e publicación dos datos contidos no censo terá por única finalidade garantir o exercicio polos electores do seu dereito de sufraxio, estando prohibida a súa cesión ou utilización para unha finalidade distinta a aquela.

Artigo 5. Xunta electoral

1. O mesmo día da convocatoria de eleccións, constituirase a Xunta Electoral.
2. A xunta electoral estará integrada por tres membros titulares e tres suplentes, elixidos por sorteo na asemblea xeral, entre as persoas que presenten a súa candidatura a membros da xunta electoral. As candidaturas deberanse presentar na mesma asemblea na que se celebre a súa elección, podendo estar os candidatos presentes na mesma.

Os membros da xunta deberán reunir os requisitos seguintes:

- a) Ser maior de 18 anos.
- b) Ter o título de bacharelato superior ou equivalente.
- c) Non presentarse como candidato a membro da asemblea xeral.



d) Non ter relación contractual ou profesional coa Federación Galega de Esquí Náutico

e) Non estar cumprindo sanción disciplinaria firme ou sanción administrativa firme en materia deportiva que conleve sanción de inhabilitación para ocupar cargos nunha organización deportiva.

3. No caso de non presentación de candidatos a membros da xunta electoral, o presidente da federación proporalle á asemblea os membros necesarios para completar a mesma, os cales deberán así mesmo reunir os requisitos definidos no apartado anterior.

4. Actuará como presidente e secretario da xunta electoral o membro de maior e menor idade, respectivamente. As decisións da xunta electoral tomaranse por maioría de votos. A asistencia á xunta electoral é obrigatoria salvo causa xustificada.

5. Funcións da xunta electoral:

a) Velar polo axustamento a dereito do proceso electoral dos órganos de goberno e representación federativos.

b) Organizar os procesos das eleccións para a asemblea xeral e presidente da federación, segundo o disposto neste regulamento electoral.

c) Designar as mesas electorais de conformidade co previsto neste regulamento electoral.

d) Aprobar as candidaturas que reúnan os requisitos esixidos, así como o resto da documentación electoral.

e) Garantir a exposición de censos, candidaturas e outros documentos según se estableza neste regulamento electoral.

f) Coñecer e pronunciarse sobre os recursos que se presenten.

g) Custodiar a documentación correspondente a todo o proceso electoral, excepto o que non lle corresponda do procedemento do voto por correo, ata a súa finalización.

h) En xeral, todas as facultades lle sexan atribuídas por este regulamento electoral.

6. Os gastos de desprazamentos dos membros das mesas electorais serán sufragados pola Federación Galega de Esquí Náutico a razón de 0,19 euros por kilómetro percorrido en vehículo propio, máis os gastos de peaxe de autoestrada e aparcamento sempre que se xustifiquen, ou o importe xustificado do medio de transporte público utilizado.

Artigo 6. Mesa electoral: composición e competencias.

1. En cada circunscrición electoral constituirase unha única mesa electoral para a elección dos membros da asemblea no día fixado. O horario de apertura da mesa será o seguinte: De 9:00 a 14:00 horas. Ubicaranse nos seguintes lugares:

Sede da Federación Galega de Esquí Náutico.

C/ Noriega Varela N°12 Baixo, 32004. Ourense

As mesas electorais estarán compostas por tres membros titulares (un presidente, un secretario e un vogal) e tres suplentes destes, elixidos por sorteo pola xunta electoral entre os integrantes do censo definitivo. Serán presidente e secretario os membros de maior e menor idade respectivamente. A asistencia á mesa electoral é obrigatoria salvo causa xustificada que deberá ser autorizada pola xunta electoral.

O sorteo das Mesas Electorais realizarase na sede da Federación o día 21 de Xaneiro a partir das 20:00h.



Así mesmo, para a mesa electoral, os candidatos poden nomear interventores, entre quen desempeñe a condición de elector, que serán identificados ante a xunta electoral con antelación non inferior a 24 horas do día de celebración das respectivas votacións. A xunta electoral expedirá a correspondente acreditación.

Os interventores poderán participar nas deliberacións da mesa, con voz pero sen voto, así como solicitar á mesma certificacións e formular ante ela protestas, todo iso sen prexuízo da lexitimación que lles corresponde conforme aos artigos 18 e 19 deste regulamento.

2. A efectos de remisión do voto por correo, establécese como mesa para a recepción deste voto a de a sede da federación Galega de Esquí Náutico.

3. Son competencias da mesa electoral:

- i) Comprobar a identidade dos votantes.
- j) Recoller a papeleta de voto e depositala na urna pechada e preparada aos efectos.
- k) Proceder á contaxe de votos.
- l) Levantar acta dos votos emitidos, resultados, e calesquera outras incidencias. así como das incidencias e reclamacións se as houber, facendo constar o número de votos obtidos por cada candidato.

4. A acta será subscrita por todos os membros da mesa electoral, así como polos interventores, se os houber, remitíndose posteriormente á xunta electoral, que deberá garantir a súa exposición pública mediante a publicación no taboleiro de anuncios e na páxina web www.fgen.net

5. Cando proceda a elección de presidente constituirase a mesa electoral con dous membros que serán respectivamente o de maior e menor idade da asemblea. O primeiro actuará como presidente e o segundo como secretario. Así mesmo, e ata que conclúa a elección de presidente, exercerán funcións de presidente e secretario da asemblea.

6. Os gastos de desprazamentos dos membros das mesas electorais serán sufragados pola Federación Galega de Esquí Náutico a razón de 0,19 euros por kilómetro percorrido en vehículo propio, máis os gastos de peaxe de autoestrada e aparcamento sempre que se xustifiquen, ou o importe xustificado do medio de transporte público utilizado

Artigo 7. Convocatoria de eleccións

1. A convocatoria das eleccións será feita polo Presidente da Federación Galega de Esquí Náutico o día 27 de novembro de 2014, conforme a este regulamento electoral, aprobado pola Secretaría xeral para o deporte.

2. Simultaneamente á convocatoria de eleccións, a xunta directiva disolverase, contituíndose en comisión xestora que non poderá realizar mais que actos de mera administración e trámite.

3. A convocatoria de eleccións publicarase no taboleiro de anuncios da sede da federación e nas delegacións, así como na páxina web www.fgen.net. A notificación da convocatoria de eleccións conterá cantos datos se precisen para o correcto desenvolvemento do proceso electoral, e sinaladamente:

- a) Regulamento electoral.
- b) Calendario electoral con indicación do lugar, data e hora de celebración dos actos propios do proceso electoral.
- c) Lugar de consulta dos censos electorais.
- d) Modelos oficiais de sobres e papeletas.
- e) Composición e sede da xunta electoral da Federación



4. Cun prazo de antelación mínimo de cinco días hábiles dende a data da convocatoria, esta haberá de ser notificada, a través de medio que permita asegurar a súa recepción, cando menos, ás entidades deportivas integrantes da desta federación e á Secretaría xeral para o deporte.

Artigo 8. Electores e elixibles

1. Poderán ser electores e elixibles:

a) No caso dos estamentos constituídos por persoas físicas (deportistas, adestradores e árbitros/xuíces) os que reúnan os seguintes requisitos:

- Ser maior de idade á data da convocatoria das eleccións.
- Ter licenza federativa en vigor e tido na tempada deportiva anterior á da data de convocatoria de eleccións.
- Ter participado nun mínimo de unha competición oficial na tempada deportiva anterior.

b) No caso do estamento de entidades deportivas: aquelas, que estean inscritas, no ano da convocatoria das eleccións, na federación e no Rexistro de Entidades Deportivas e teñan participado en catro competicións deportivas entre o ano de convocatoriadas eleccións e os dous anos inmediatamente anteriores a aquel, e, necesariamente unha delas no ano da convocatoria das eleccións. A estes efectos e, con carácter mínimo, deberán de ter participado en catro competicións entre o ano de convocatoria das eleccións e os dous anos inmediatamente anteriores a aquel, e necesariamente unha delas no ano da convocatoria das eleccións. Non será elixibles aqueles clubs que formen parte da asemblea na súa condición de membros natos.

2. Aos efectos deste artigo entenderase como competición deportiva, aquela que estivera reflectida nos correspondentes calendarios oficiais aprobados pola Asemblea xeral.

3. Os membros da federación que pertencen a dous ou mais estamentos no censo provisional, deberán optar por un deles, mediante escrito ante a xunta electoral que deberá cursarse no período de reclamacións ao censo. Os criterios para identificar os electores nun único estamento, no caso de non existir a proposta individual, serán elixidos o estamento que pertencen cunha maior antigüidade.

Artigo 9. Composición da Asemblea xeral

1. O número de membros da asemblea xeral será de **10**, en aplicación do artigo 10, do presente regulamento electoral. O presidente da federación desempeñará a presidencia da asemblea xeral.

2. Os seus membros serán elixidos cada catro anos mediante sufraxio libre, igual, directo e secreto, salvo a singularidade prevista para o estamento de clubs, por e entre os compoñentes de cada estamento de conformidade co número e proporcións de representación que se establecen no presente regulamento.

3. Na asemblea xeral deberán estar representados todos os estamentos recoñecidos nos estatutos e integrados na federación e, cando menos, os clubs deportivos, os deportistas, os adestradores e os árbitros/xuíces.

4. No estamento de entidades deportivas haberá membros natos e membros electos.



5. A representación das entidades deportivas corresponde ao seu presidente ou persoa que conforme estatutos lle corresponda. Esta representación acreditarase fidelmente mediante certificación da inscrición do Rexistro de asociacións deportivas e deportistas de Galicia na que figure expresamente os representantes legais da entidade.

6. Non cabe representación das persoas físicas.

7. Ningún membro da asemblea poderá desempeñar unha dobre representación nesta.

8. A Federación galega de Esquí Náutico axustarase, no posible, nas súas actuacións ás recomendacións feitas pola Lei 7/2004, do 16 de xullo, galega para a igualdade de mulleres e homes (DOG nº 149, do 3 de agosto).

Artigo 10. Proporcionalidade na composición da Asemblea xeral

1. A porcentaxe de cada estamento é:

- a) Representantes de entidades deportivas: 60 %
- b) Representantes de deportistas: 20 %
- c) Representantes de adestradores: 10 %
- d) Representantes de xuíces: 10 %
- e) Outros colectivos se os houber: 0 %

2. A representación mínima do estamento de entidades deportivas na asemblea xeral da Federación Galega de Esquí Náutico deberá ser do 50% do censo definitivo de entidades deportivas, incluíndo os membros natos.

En calquera caso todos as entidades deportivas deberán necesariamente cumprir os requisitos que para eles se establece no artigo 8 desta regulamentación.

3. Cando o número de candidatos de calquera estamento coincida ou sexa inferior ao número de membros que hai que elixir non será necesaria a celebración de eleccións polo que a ese estamento se refire, dando continuidade ao procedemento electoral. No entanto, no caso de que nalgún estamento da asemblea houbera máis dun 20% de vacantes, unha vez terminado o proceso electoral e no prazo máximo de 3 meses, o presidente procederá á convocatoria parcial de eleccións para cubrir as vacantes, sen que esta nova convocatoria parcial afecte aos xa elixidos.

Artigo 11. Membros natos da Asemblea Xeral polo estamento de clubs

Conforme o establecido no artigo 11 da Orde do 8 de setembro de 2010, establécese como baremo para a designación dos membros natos da asemblea xeral o seguinte:

Dous clubs que contén co maior número de licenzas

Dous clubs que teñan participado nun maior número de competicións.

Conforme o anterior baremo, son membros natos da asemblea os dous seguintes clubs según o número de licenzas:

- Club Náutica Arcade
- Club Náutico San Telmo

Según a maior participación en competicións serían os seguintes:

- Club Náutica Arcade
- Club Náutico San Telmo



Artigo 12. Candidatos a membros electos da Asemblea xeral

1. Poderá ser candidato a membro da asemblea xeral toda persoa física ou xurídica incluída no censo definitivo que o solicite persoalmente, por correo certificado ou por calquera outro medio que acredite fehacientemente en dereito a dita solicitude, ante a xunta electoral. Para a solicitude establécese un prazo de 3 días hábiles a contar dende a publicación do censo definitivo.

2. Unha vez presentadas as candidaturas, a xunta electoral proclamará a lista provisional de candidatos facéndoa pública na páxina web www.fgen.net. Haberá un prazo de 2 días hábiles, para a presentación de posibles reclamacións ante a Xunta electoral.

3. A xunta electoral resolverá as reclamacións, si as houbera no prazo de dous días hábiles. Unha vez resoltas procederase á proclamación definitiva de candidatos

Artigo 13. Sistema de votación a membros da Asemblea xeral

1. A votación a membros da asemblea realizarase en urnas separadas por estamentos. A votación desenvolverase sen interrupcións durante o horario 9:00h. a 14:00h. Soamente por causa de forza maior poderán non iniciarse ou interromperse as votacións. En caso de suspensión da votación non se terán en conta os votos emitidos nin se procederá ao seu escrutinio. Neste caso, a xunta electoral fixará unha data para a nova votación.

2. O dereito de votar será acreditado pola inscrición no censo electoral definitivo. Para a súa identificación, o elector deberá presentar documento acreditativo da súa personalidade (DNI, pasaporte, tarxeta de residencia ou permiso de conducir con fotografía do titular). No caso das persoas xurídicas a representación corresponde ao seu presidente ou persoa que conforme estatutos lle corresponda, debéndose acreditar fehacientemente a dita representación mediante certificación da inscrición do Rexistro de entidades deportivas de Galicia na que figure expresamente os representantes legais da entidade.

Se un membro electo da Asemblea perdera a condición pola que foi elexido, causará baixa automaticamente naquela.

Artigo 14. Voto por correo

1. Unicamente se admitirá o voto por correo nas votacións para membros da Asemblea naqueles estamentos integrados por persoas físicas.

2. O exercicio do voto por correo haberá de ser solicitado polo interesado á xunta electoral, dende a data da convocatoria das eleccións ata 2 días hábiles despois da publicación do censo definitivo. Esta solicitude deberá facerse persoalmente, mediante correo certificado, burofax, ou por calquera outro medio validamente admitido en dereito que deixe constancia da solicitude.

3. Recibida pola xunta electoral a solicitude referida no punto anterior, comprobará a inscrición no censo definitivo do solicitante, realizando no caso de estar inscrito a anotación correspondente no censo e extendendo un certificado de autorización do voto por correo.



O certificado ao que se refire o parágrafo anterior deberá reflectir o nome do elector, o estamento polo que se solicita o exercicio do voto, así como un espazo en branco que deberá ser asinado polo elector previamente ao envío do voto á Secretaría xeral para o deporte.

A xunta electoral deberá remitir este certificado dentro dos 2 días hábiles seguintes á proclamación definitiva dos candidatos, remitíndollo aos solicitantes por correo certificado urxente e con acuse de recibo á dirección postal sinalada polo interesado na súa solicitude. Igualmente enviaráselle unha papeleta de votación en branco e o sobre de votación oficiais, xunto coa relación definitiva de todas as candidaturas presentadas ordenadas alfabeticamente.

O listado de persoas autorizadas para o exercicio do voto por correo deberase remitir á Secretaría xeral para o deporte, publicándose asemade na páxina web www.fgen.net.

4. O elector introducirá a papeleta de voto no sobre da votación e pecharao. Incluirá este sobre de votación, xunto ao certificado emitido pola xunta electoral no que se autoriza o voto por correo, asinado polo emisor do voto e a copia do DNI, nun sobre de maior tamaño que os anteriores que remitirá á Secretaría xeral para o deporte para a súa custodia, por correo certificado urxente, consignándose no anverso e reverso do mesmo os seguintes datos:

Anverso:

Secretaría xeral para o deporte
Estadio Multiusos de San Lázaro, porta 4
15781 Santiago de Compostela (A Coruña)
Eleccións á Asemblea Xeral da Federación Galega de Esquí Nautico

Reverso:

Nome e apelidos do remitente
Estamento de Clube, deportista, adestradores ou técnicos e xuíces

5. A presentación dos votos nas Oficinas de Correos deberá realizarse con 6 días hábiles de antelación á data de celebración das eleccións, mediante envío por correo certificado urxente, e non serán admitidos os sobres depositados con data posterior. A Secretaría xeral para o deporte custodiará os votos emitidos, que serán postos a disposición da mesa electoral o día da votación, xunto cunha relación nominal dos mesmos, a fin de que, con posterioridade ao peche da votación presencial os membros da Mesa electoral poidan abrilos e, tras comprobar a súa regularidade, depositar cada voto na urna correspondente para incorporalo ao escrutinio.

6. Prevalecerá o voto persoal sobre o voto emitido por correo no caso de concorrencia de ambos.



Artigo 15. Presentación de candidaturas a presidente

1. No prazo de 2 días hábiles dende a proclamación definitiva de membros da Asemblea xeral, poderá presentar candidatura a Presidente da Federación Galega calquera persoa física sen que teña que ser membro da asemblea xeral (según o conforme o establecido no artigo 58.3 da Lei do Deporte de Galicia), ter maioría de idade, condición política de galego, en pleno uso dos dereitos civís, non incorrer en sanción deportiva que o inhabilite e non estar inhabilitado para o desempeño dun cargo público por sentenza xudicial firme). A persoa que resulte elixida coma presidente/a non poderá simultanear a presidencia dun club deportivo coa presidencia da federación na que se integre dito club. Así mesmo, o presidente saínte será membro da nova asemblea xeral. Esta condición perderase no caso de non presentar candidatura ou no caso de presentala non resultase elixido. Se algún membro da comisión xestora presentase a súa candidatura á presidencia, deberá cesar naquela.

2. A presentación de candidaturas farase na sede oficial da federación, nas súas delegacións, mediante escrito dirixido á xunta electoral, facendo constar a condición de membro de pleno dereito da asemblea xeral.

3. Finalizado o prazo de presentación de candidaturas, a xunta electoral exporá a listaxe provisional de candidatos a presidente no taboleiro de anuncios da federación así como na súa páxina web www.fgen.net. Pódense presentar impugnacións a esta no prazo de 2 días hábiles. As impugnacións serán resoltas pola xunta electoral no prazo de 2 días hábiles.

A xunta electoral publicará no día seguinte hábil, seguindo os medios reflectidos no punto anterior, a lista definitiva de candidatos á presidencia.

Artigo 16. Elección do presidente

1. No día e hora fixados na convocatoria correspondente, constituirase a Asemblea xeral en primeira ou segunda convocatoria tendo como únicos puntos da orde do día a elección a Presidente e a membros da Comisión delegada. O presidente da federación será elixido mediante sufraxio libre, directo, igual e secreto polos membros da asemblea xeral presentes no momento da elección.

2. Na votación á elección de presidente non se admitirá o voto por correo nin a delegación de voto. A representación dos clubs realizarase conforme o establecido no artigo 9 parágrafo quinto, non admitíndose que unha persoa ostente a representación de mais dun club.

3. Comezada a sesión e constituída a mesa electoral, o presidente presentará os candidatos. iniciando, de seguido, o proceso de votación.

4. Os candidatos exporán os seus programas, procedéndose posteriormente á votación en urna para a elección do presidente, que será secreta.

5. A Xunta Electoral determinará o modelo de papeleta. Cada membro da Asemblea só poderá votar a un candidato.

6. O proceso de votación está formado por un máximo de tres votacións.



- a. Na primeira votación son elixibles todos os candidatos da listaxe definitiva. Aqueles que obteñan un mínimo do 10% dos votos dos membros presentes, pasarán á seguinte votación. No suposto en que ningún candidato acade o 10% dos votos, pasarán á seguinte votación aqueles dous candidatos que contén cun maior número de votos. No suposto en que soamente sexa un candidato o que obteña o 10% dos votos, pasará tamén á seguinte votación o seguinte candidato en número de votos. De acadarse por algún candidato a maioría absoluta dos votos, nesa primeira votación, será proclamado Presidente.
- b. Na segunda votación soamente serán elixibles aqueles que, como xa está exposto e coas excepcións contempladas, obtiveran alomenos o 10% dos votos dos membros presentes. Será elixido presidente o candidato que nesta fase obteña a maioría absoluta dos votos.
- c. No caso de que na votación anterior ningún candidato obteña a maioría absoluta, procederase a unha nova votación entre os dous máis votados, no mesmo día, resultando elixido o que obteña maioría de votos.
7. Terminada cada unha das votacións realizadas, a mesa electoral procederá á contaxe de votos e levantará a oportuna acta.
8. No caso de existir soamente dous candidatos, resultará elixido o que obteña a maioría simple dos votos. No caso de empate someterase a sorteo.
9. No caso de que se presentase un só candidato, non se efectuará votación.
10. Se non se presentase ningunha candidatura ou non fose válida ningunha das presentadas, a comisión xestora administrará a federación e convocará e realizará novas eleccións a presidente no prazo máximo de 3 meses.
11. Rematada a elección, a acta do resultado desta será remitida á xunta electoral. Transcorridos os prazos de presentación de posibles recursos e resoltos estes, a xunta electoral proclamará presidente ao candidato máis votado e comunicará os resultados á Secretaría xeral para o deporte no prazo máximo de 10 días.
12. Unha vez proclamado definitivamente o novo presidente, a comisión xestora deberá poñer a disposición deste no prazo máximo de 5 días hábiles, contados dende a proclamación definitiva, toda a documentación relativa á federación, levantando acta da documentación entregada e remitíndolle copia desta á Secretaría xeral para o deporte.
13. Tras a súa proclamación o presidente designará os demais órganos e comités de acordo cos estatutos da federación, debendo comunicarlle a súa composición á Secretaría xeral para o deporte no prazo máximo de 10 días hábiles, dende o seu nomeamento.



Artigo 17. Elección de membros da comisión delegada

A comisión delegada será elixida entre e pola asemblea xeral mediante sufraxio libre, igual, directo e secreto entre os seus membros. O seu mandado coincidirá co da asemblea xeral. Será presidida polo presidente da federación como membro nato desta.

O número de membros da comisión delegada será 5, cumpindo coa proporcionalidade establecida para cada estamento da asemblea.

O procedemento para a súa elección será o seguinte:

Los miembros de la comisión delegada serán elegidos por y entre los integrantes de la asemblea general.

Serán elixidos membros da comisión delegada os que obteñan un maior número de votos hata cubrir o número de membros correspondiente a comisión delegada

Artigo 18. Recurso ante a Xunta electoral

O coñecemento de tódolos recursos que se poidan formular na materia electoral corresponde á xunta electoral, sendo tódalas súas resolucións recorribles ante o Comité Galego de Xustiza Deportiva. Están lexitimados para interpoñer recursos os representantes das candidaturas ou as persoas e entidades debidamente afectadas polos acordos da xunta electoral.

Os recursos ante a Xunta electoral serán presentados, personalmente ou por calquera medio que acredite fehacientemente en dereito a presentación do escrito (burofax, correo certificado, telegrama...), na sede central federativa mediante escrito dirixido ao presidente da Xunta electoral.

Os prazos para a presentación destes recursos, así como os de resolución da Xunta electoral serán de 2 días hábiles, salvo nos casos nos que no presente regulamento ou na Orde do 8 de setembro de 2010 se establezan outros distintos.

Artigo 19. Recurso ante o Comité Galego de Xustiza Deportiva

1. Contra os acordos e resolucións das xuntas electorais procederá recurso electoral ante o Comité Galego de Xustiza Deportiva, poñendo fin, as resolucións deste, á vía administrativa.

Están lexitimados para interpoñer o recurso quen fose parte na impugnación ante a xunta electoral federativa ou as persoas interesadas directamente polo seu acordo ou resolución

2. Os prazos para formalizaren estes recursos serán de 3 días hábiles contados dende o seguinte ao da notificación da resolución ou acordo obxecto de recurso ou, se for o caso, dende o momento en que se produza a desestimación tácita da reclamación electoral presentada. (artigo 57 do Decreto 120/2013, do 24 de xullo, polo que se aproba o Regulamento do Comité Galego de Xustiza Deportiva).



3. O escrito de interposición do recurso deberá expresar:

- i. Nome, DNI e domicilio da persoa física ou denominación e enderezo social dos entes asociativos interesados, incluíndo neste último caso o nome do seu representante legal.
- ii. Se é o caso, o nome, DNI e enderezo do representante do interesado, podendo acreditar a súa representación, ademais de polos medios legais procedentes, a través de comparecencia ante a Secretaría do Comité Galego de Xustiza Deportiva.
- iii. Lexitimación para interpoñer o recurso
- iv. O acto que se recorre e a razón da súa impugnación.
- v. As consideracións de feito e de dereito nas que baseen as súas pretensións, así como as propostas de proba que ofrezan en relación con aquelas.
- vi. As pretensións que deduzan de tales consideracións.
- vii. Lugar, data e sinatura.



Anexo I. Calendario electoral

ESTIMACIÓN DE PRAZOS DO PROCEDIMENTO ELECTORAL 2014

21 NOVEMBRO 2014

- Notificación da convocatoria ás entidades deportivas e á Secretaría Xeral para o Deporte

27 NOVEMBRO 2014

- Convocatoria de eleccións
- A xunta directiva constitúese en Comisión Xestora
- Constitución da xunta electoral
- Publicación do regulamento electoral e calendario electoral
- Publicación do censo provisional
- Inicio do prazo de petición do voto por correo
- Inicio do prazo de reclamacións ao censo.

11 DECEMBRO 2014

- Fin do prazo de reclamacións ao censo electoral

17 DECEMBRO 2014

- Fin do prazo de resolución das reclamacións ao censo electoral
- Publicación do censo definitivo

18 DECEMBRO 2014

- Inicio do prazo de presentación de candidaturas á Asamblea xeral

19 DECEMBRO 2014

- Fin do prazo para solicitar o exercicio do voto por correo

20 DECEMBRO 2014

- Fin do prazo para presentar candidaturas á Asamblea xeral.
- Proclamación provisional de candidatos á Asamblea xeral.

22 DECEMBRO 2014

- Inicio do prazo de reclamacións contra os candidatos á Asamblea

23 DECEMBRO 2014

- Fin do prazo de reclamacións contra os candidatos á Asamblea

26 DECEMBRO 2014

- Fin do prazo de resolución das reclamacións.
- Proclamación definitiva de candidatos á Asamblea.

29 DECEMBRO 2014

- Fin do prazo para remisión das papeletas de voto por correo.

3 XANEIRO 2015

- Fin do prazo para depositar os votos en correos

9 XANEIRO 2015

- Sorteio mesas electorais

10 XANEIRO 2015

- Votacións para elección dos membros da assemblea xeral



- Escrutinio e proclamación dos resultados provisionais.

12 XANEIRO 2015

- Inicio do prazo de reclamacións aos resultados provisionais das votacións

13 XANEIRO 2015

- Fin do prazo de reclamacións as resultados provisionais.

15 XANEIRO 2015

- Resolución das reclamacións e publicación da composición definitiva da
asamblea xeral.

16 XANEIRO 2015

- Inicio do prazo de presentación de candidatos á Presidencia e á Comisión
Delegada.

17 XANEIRO 2015

- Fin do prazo de presentación de candidaturas á Presidencia e Comisión
Delegada.
- Proclamación provisional de candidaturas.

19 XANEIRO 2015.

- Inicio do prazo de reclamacións contra as candidaturas á Presidencia e/ou
Comisión Delegada.

20 XANEIRO 2015

- Fin do prazo de reclamacións contra as candidaturas á Presidencia e/ou
Comisión Delegada.

22 XANEIRO 2015

- Fin do prazo de resolución das reclamacións

23 XANEIRO 2015

- Proclamación e publicación da lista definitiva de candidatos a presidente/a e
Comisión Delegada.

24 XANEIRO 2015

- Constitución da Asamblea Xeral e elección do Presidente da Federación y da
Comisión Delegada.

26 XANEIRO 2015

- Inicio do prazo de reclamacións á votación de Presidente/a e Comisión
Delegada

27 XANEIRO 2015

- Fin do prazo de reclamacións á votación de Presidente/a e Comisión Delegada.

29 XANEIRO 2015

- Fin do prazo de resolución de reclamacións á votación de Presidente/a e
Comisión Delegada.
- Proclamación definitiva de Presidente/a e Comisión Delegada
- Fin do proceso electoral e inicio do prazo de dez días para comunicar os
resultados á Secretaría Xeral para o Deporte.



Anexo II. Modelos de sobres e papeletas

Modelo de sobre:

Anverso:

Secretaría xeral para o deporte
Estadio Multiusos de San Lázaro, porta 4
15781 Santiago de Compostela (A Coruña)
Eleccións á Asemblea Xeral da Federación Galega de Esquí Náutico

Reverso:

Nome e apelidos do remitente
Estamento de Clube, deportista, adestradores ou técnicos e xuíces



Modelo de Papeleta:

Federación Galega de Esquí Náutico

Eleccións 2014

Clubes:

[] XXXXXXXXXXXXXXXXXXXX
[] XXXXXXXXXXXXXXXXXXXX
[] XXXXXXXXXXXXXXXXXXXX
[] XXXXXXXXXXXXXXXXXXXX
[] XXXXXXXXXXXXXXXXXXXX
[] XXXXXXXXXXXXXXXXXXXX
[] XXXXXXXXXXXXXXXXXXXX
[] XXXXXXXXXXXXXXXXXXXX
[] XXXXXXXXXXXXXXXXXXXX
[] XXXXXXXXXXXXXXXXXXXX
[] XXXXXXXXXXXXXXXXXXXX
[] XXXXXXXXXXXXXXXXXXXX
[] XXXXXXXXXXXXXXXXXXXX

Debe votar a 6 Clubes, colocando unha cruz no paréntese de cada esquiador votado



Anexo III. Censos

Clubes:

Clube	Enderezo	Nº rexistro	Presidente e secretario
Club Nautico de Barro	Ribadania 0948 778 Colinas	0533	Antonio Chantarrando Luis Varela Prieto
Club Nautico A Gadi	Rota de Arada, Sautomelo Pontevedra	0091	Manuel de Salas Verde Adrian Saboritana
Club Nautico de Barro	Rúa Viro 125 15 Barro, Ourense	0552	Manuel Barro Moura Gustavo Barro Rozano
Club Nautico de Pontevedra	Ramiro Vespallina, R. O. Viro Pontevedra	0538	Antonio Barro Barro Jose Manuel Gonzalez
Club Pontevedra	Rúa Arca 30 Barro, Viro Pontevedra	0536	Manuel Barro Jose Ramon Garido
Club Nautico de Barro	Ribadania de Barro, Barro, Ourense	0537	Jose Manuel Barro Barro Nicolas Lorenza Gomez

Deportistas:

Apellido 1	Apellido 2	Nombre	Nacimiento	Edad	NIF	Tipo	Licencia
ARAYA	ALONSO	ANDRES	05/12/82	34	36175282N	Corredor Nacional	230063GAL
PAMIES	CASTELLANOS	ALEJANDRO	27/12/94	19	15494682E	Corredor Nacional	230071GAL
REGUERA	FERRERA	NICOLAS	04/04/96	18	27012637S	Corredor Nacional	230013GAL
GARRIDO	COLSILLAS	JOSE RAMON	18/03/77	37	36137405N	Monitor Gallego	300021GAL
ESTRÉVEZ	GARRETA	LUCIA	18/08/69	45	36363630H	Corredor Gallego	300094GAL
DOMINGUEZ	PEREZ	BEATRIZ	23/02/69	46	36076241V	Corredor Gallego	300031GAL
LEIRAS	ESTRÉVEZ	JOSE	14/08/01	17	35557460M	Corredor Nacional	230145GAL
ALVAREZ	ALDAS	ANAIK	09/05/93	24	39457731N	Corredor Nacional	230151GAL
CACTINER	ALVAREZ	SONIA	20/06/98	18	36978759J	Corredor Gallego	230246GAL
IGLESIAS	ESCARIZ	BERNABO	28/12/95	20	29099339Z	Corredor Gallego	230331GAL
BARGES	GONZALEZ	ANDREA	09/09/98	21	27405676C	Corredor Gallego	230381GAL
VASQUEZ	SILVEIRA	ANTONIO	05/07/69	50	36048272M	Corredor Gallego	230391GAL
DANIEL	DUBA	JAVIER	16/07/51	65	36363631	Corredor Gallego	230701GAL

Adestradores:

Apellido 1	Apellido 2	Nombre	Nacimiento	Edad	NIF	Tipo	Licencia
GARRIDO	COLSILLAS	JOSE RAMON	18/03/77	37	36137405N	Monitor Gallego	300021GAL

Xuíces:

Apellido 1	Apellido 2	Nombre	Nacimiento	Edad	NIF	Tipo	Licencia
PEREIRA	VAZQUEZ	JACOBO MI	27/06/1979	35	34994099H	Juiz Nacional	300011GAL